

素問病機

卷下

劉河間六書
第十卷

素問病機氣宜保命 集卷下

河間處士

劉完素守真述

明 新安

吳勉學師古

校

欬嗽論第二十二

論曰欬謂無痰而有聲肺氣傷而不清也嗽是無聲而有痰脾濕動而爲痰也欬嗽謂有痰而有聲蓋因傷於肺氣動於脾濕欬而爲嗽也脾濕者秋傷於濕積于脾也故內經曰秋傷於濕冬必欬嗽大抵素秋之氣宜清瀆反動之氣必上衝而爲欬甚則動于脾

濕發而爲痰焉是知脾無留濕雖傷肺氣而不爲痰
也有痰寒少而熱多故欬嗽者非專主于肺而爲病
以肺主皮毛而司于外故風寒先能傷之也內經曰
五臟六府皆能令人欬非獨肺也各以其時主之而
受病焉非其時各值而與之也所病不等寒暑燥濕
風火六氣皆令人欬唯濕病痰飲入胃留之而不行
止入于肺則爲欬嗽假令濕在于心經胃之熱痰濕
在脾經胃之風痰濕在肺經謂之氣痰濕在腎經謂
之寒痰所治不同宜隨證而治之若欬而無痰者以
辛甘潤其肺故欬嗽者治痰爲先治痰者下氣爲上

是以南星半夏勝其痰而欬嗽自止
枳殼陳皮利其氣而痰自下
痰而能食者大承氣湯微下之少利爲度
痰而不能食者厚朴湯治之
夏月嗽而發熱者謂之熱痰
嗽小柴胡四兩加石膏一兩知母半兩用之
冬月嗽而發寒熱謂之寒嗽
小青龍加杏仁服之然此爲大例
更當隨證隨時加減之量其虛實此治法之大體也

蜜煎生薑湯

蜜煎橘皮湯

燒生薑糊桃

此者皆治無痰而嗽者當以辛潤其肺故也如但使青陳皮藥皆當去白本草云陳皮味辛理上氣

夫痰氣滯塞青皮味苦理下氣二味俱用散三焦之氣也故聖濟云陳皮去痰穢不除即生痰麻黃發汗節不去而止汗

治風痰熱咳嗽其脉弦面青四肢滿悶便秘澀心多燥怒水煮金花在

南星

半夏

各二兩生用

天麻

錢五

雄黃

錢二

白麴

兩三

寒水石

一兩燒作塊

右為細末滴水為丸每服五七十丸至百丸煎漿水沸下藥煮令濃為度漉出淡漿水浸罈用生薑湯下或通聖加半夏及局方中川芎丸防風丸皆

可用也

小黃丸治熱痰欬嗽脉洪面赤煩熱心痛唇口乾燥
多喜笑宜小黃丸

南星

洗湯

半夏

洗各一兩

黃芩

一兩半

右爲細末生薑汁浸蒸餅爲桐子大每服五十丸
至七十丸食後薑湯下及小柴胡湯中加半夏亦

可

白朮丸治痰濕欬嗽脉緩面黃支體沉重嗜臥不收
服脹而食不消化宜白朮丸

南星

半夏

俱湯洗各一兩

白朮

一兩半

右爲細末糊爲丸桐子大每服五七十丸生薑湯下及局方中防已丸亦可用

玉粉丸治氣痰欬嗽脉澁面白上喘氣促洒淅惡寒
愁不樂宜服之

南星

半夏

俱洗各一兩

官桂

去皮一兩

右爲細末薄糊爲丸如桐子大每服五七十丸生薑湯下食後及局方中防已丸亦可玉粉丸加減在後心下否者加枳實伍錢身熱甚者加黃連五錢體重者加茯苓一兩氣上逆者加苦亭藎五錢促者加人參桔梗各五錢浮腫者加郁李仁

各伍錢大便秘者加大黃五錢

雙玉散治痰熱而喘痰湧如泉

寒水石

石膏

各等分

右爲細末煎人參湯調下三錢食後服

治痰千緡湯

半夏

生末一兩

大皂角

去皮子半兩剉

右同於絹袋中盛之用水三升生薑七大片同煎至一半以手操洗之取清汁分作二服食後併服

二服効

防風丸治痰嗽胃中氣不清利者 枳朮丸亦妙

防風半兩

枳殼半兩去穢麤炒

白朮一兩

右細末燒餅爲丸每服五七十丸生薑湯下

天麻丸

天麻一兩

半夏

南星各一兩

雄黃少許

右以白麵二兩滴水爲丸如桐子大每服五十丸至百丸煎淡水令沸下藥煮十餘沸漉出食前生

薑湯下

利鬲丸主膏中不利痰嗽喘促利脾胃壅滯調秘瀉藏推陳致新消進飲食治利鬲氣之勝藥也

木香一錢半

檳榔一錢半

人參三錢

當歸二錢

藿香一錢

大黃酒浸焙

厚朴薑制

枳實二兩

甘草三錢

右爲細末滴水和丸如桐子大每服三五十九食

後諸飲皆下

欬氣丸 治义嗽痰喘肺氣浮腫

青皮去白

陳皮去白

檳榔

木香

杏仁去皮

郁李仁去皮

茯苓

澤瀉

當歸

茂炮

馬兜零

苦亭麝

已上各
三兩

人參

防已各五錢

牽牛取頭末

右爲細末生薑汁麵糊爲丸如梧子大每服一二

十丸加至五七十丸生薑湯下食後服

玉粉丸治痰結咽喉不利語音不出

半夏洗五錢

草烏一字炒

桂一字多

右同爲末生薑汁浸蒸餅爲丸如雞頭大每服一丸至夜含化多歲不愈者亦効

枳殼湯治久痰胃氣不利者多上焦發熱

枳殼麩炒去穢三兩

桔梗三兩

黃芩一兩半

右同剉每日早用二兩半水三盞煎至二盞分作三服干時一服中時一服臨臥時一服三日七兩

半藥盡服生半夏湯

生半夏湯

半夏

不以多少洗去
遍切作片子

一右每服秤三錢水一盞半人生薑五大片同煎至
一盞和滓食後服一日三服服三日畢再服枳
朮丸盡其痰爲度論曰先消胸中氣後去鬲上痰
再服枳朮丸謂首尾合盡消其氣謂令痰不復作
也

清鎮丸治熱嗽

小柴胡湯內加人參一倍

青黛半兩

右爲細末麴糊丸如桐子大每服五十丸生薑湯

下

半夏丸治因傷風而痰作喘逆兀兀欲吐惡心欲倒
已吐加檳榔三錢

半夏

一兩湯洗切

雄黃

研二錢

右同爲末生薑汁浸蒸餅爲丸桐子大每服三十
丸生薑湯下小兒丸如黍米大

白朮散治夏暑大熱或醉飲冷痰濕不止膈不利

白朮

茯苓

半夏

洗

黃芩

各等分

右爲麤末每服五錢至七錢水二盞人生薑十片
煎至一盞去滓調陳皮末一錢神麴末一錢食後服

法曰大熱大飲盃酒味熱而引飲冷冷與熱凝於胸中不散而成濕以痰作矣甚者宜吐之吐後服五苓甘露勝濕去痰之劑

白朮湯治痰潮上如湧泉久不可治者

白朮

白茯苓

半夏等分

右爲末每服半兩病大者一兩水二盞生薑七片煎至一盞取清調神麴末二錢頓服之病甚者下玉壺丸一百丸大効永除根

天門冬丸治婦人喘手足煩熱骨蒸寢汗口乾引飲面目浮腫

天門冬

土兩去心秤

麥門冬

去心八兩

生地黃

三斤取汁為膏子

右二味為末膏子和丸如梧子大每服五十丸煎逍遙散送逍遙散中去甘草加人參或服王氏博濟方中人參荊芥散亦可如面腫不已經日面腫曰風故宜汗麻黃桂枝可發其汗後服柴胡飲子去大黃故論曰治臧者治其俞治府者治其合浮腫者治其經治俞者治其土也治合者亦治其土也如兵家圍魏救趙之法也

虛損論第二十二

曰虛損之疾寒熱因虛而感也感寒則損陽陽虛

則陰盛損自上而下治之宜以辛甘淡過于胃則不
可治也感熱則損陰陰虛則陽盛故損自下而上治
之宜以苦酸鹹過于脾則不可治也自上而損者一
損于肺皮聚而毛落二損損于心血脉虛少不能榮
于藏府婦人月水不通三損損于胃飲食不爲肌膚
自下而損者一損于腎骨痿不能起于床二損損于
肝筋緩不能自收持三損損于脾飲食不能消尅論
曰心肺損而色蔽腎肝損而形痿穀不能化而脾損
感此病者皆損之病也漸漬之深皆虛勞之疾也
四君子湯治肺損而皮聚毛落益氣可也

白朮

人參

黃耆

茯苓

各五錢

右爲麤末每服五六錢七錢水一盞煎至七分去滓食遠溫服

八物湯治心肺虛損皮聚而毛落血脈虛損婦人月水愆期宜益氣和血

白朮

人參

黃耆

茯苓

川芎

熟地黃

當歸

芍藥

各五錢

右麤末服五七錢水一盞煎至七分去滓食後溫

服

十全散治心肺損及胃飲食不爲肌膚宜益氣和血